

四庫全書

子部

欽定四庫全書

子部
類經卷三十一

詳校官太醫院醫士臣針岱

編修臣倉聖脈覆勘

總校官知縣臣楊懋珩

校對官助教臣郭祚熾

謄錄監生臣胡騰蛟

欽定四庫全書

類經卷三十一

明 張介賓 撰

會通類

疾病

上十二

會通十二類惟疾病一類浩繁難悉今所採
者或摘其要或總其題觀者仍當於各類細
求之

陰陽病

一

○陽者天氣也主外陰者地氣也主內故陽道實陰道虛故犯賊風虛邪者陽受之飲食不節起居不時者陰受之陽受之則入六府陰受之則入五藏○陽受風氣陰受濕氣○陽病者上行極而下陰病者下行極而上

見疾病類十三

○天不足西北故西北方陰也而人右耳目不如左明也地不滿東南故東南方陽也而人左手足不如右強也○故俱感於邪其在上則右甚在下則左甚此

天地陰陽所不能全也故邪居之

三陰陽

○帝曰法陰陽奈何岐伯曰陽勝則身熱腠理閉喘麤為之俛仰汗不出而熱齒乾以煩寃腹滿死能冬不能夏陰勝則身寒汗出身常清數慄而寒寒則厥厥則腹滿死能夏不能冬此陰陽更勝之變病之形能也○帝曰調此二者奈何岐伯曰能知七損八益則二者可調不知用此則蚤衰之節也年四十而陰氣自半也起居衰矣五十體重耳目不聰明矣年六十

陰痿氣太衰九竅不利下虛上實涕泣俱出矣二陰陽

○病在陽者命曰風病在陰者命曰痺陰陽俱病命曰風痺病有形而不痛者陽之類也無形而痛者陰之類也無形而痛者其陽完而陰傷之也急治其陰無攻其陽有形而不痛者其陰完而陽傷之也急治其陽無攻其陰陰陽俱動乍有形乍無形加以煩心命曰陰勝其陽此為不表不裏其形不久鍼刺三十一

○陰病發於骨陽病發於血陰病發於肉陽病發於冬

陰病發於夏是謂五發○邪入於陽則狂邪入於陰則痺搏陽則為顛疾搏陰則為瘖陽入之陰則靜陰出之陽則怒是謂五亂

疾病二十五

○陽虛則外寒陰虛則內熱陽盛則外熱陰盛則內寒

疾病二十

○陽并於陰則陰實而陽虛○陽盛則外熱陰虛則內

熱

疾病四十八

○清陽出上竅濁陰出下竅清陽發腠理濁陰走五藏

清陽實四肢濁陰歸六府

一陰陽

○邪之生於陽者得之風雨寒暑生於陰者得之飲食

居處陰陽喜怒

疾病十九

○陽氣者煩勞則張○陽氣者精則養神柔則養筋開

闔不得寒氣從之乃生大僂

疾病五

○陰氣者靜則神藏躁則消亡飲食自倍腸胃乃傷

疾

六十
七

○陰勝則陽病陽勝則陰病陽勝則熱陰勝則寒

一陰陽

○重陰必陽重陽必陰

陰陽一〇脈
色三十三

○別於陽者知病從來別於陰者知死生之期

藏象二
十四〇

脈色二

十六

○陰氣太盛則陽氣不能榮也故曰關陽氣太盛則陰

氣弗能榮也故曰格陰陽俱盛不得相榮故曰關格

經絡二

十二

○陰陽不相應病名曰關格

脈色二
十二

○羸大者陰不足陽有餘為熱中也○諸浮不躁者皆

在陽則為熱其有躁者在手諸細而沈者皆在陰則

為骨痛其有靜者在足○陽氣有餘為身熱無汗陰

氣有餘為多汗身寒陰陽有餘則無汗而寒

脈色二十一

陰氣少而陽氣勝故熱而煩滿也○陽氣少陰氣多

故身寒如從水中出○四支者陽也兩陽相得而陰

氣虛少少水不能滅盛火而陽獨治獨治者不能生

長也

疾病四十五

○陰陽如一者病難治

鍼刺二十一

○陰氣在下陽氣在上諸陽氣浮無所依從故嘔欬上

氣喘也

疾病十一

○陰虛者陽必湊之故少氣時熱而汗出也

疾病三十一

○陰陽虛腸辟死陽加於陰謂之汗陰虛陽搏謂之崩

脈色二

十九

○陽急則反折陰急則俛不伸

疾病六十九

○病痛者陰也痛而以手按之不得者陰也深刺之病

在上者陽也病在下者陰也癢者陽也淺刺之

鍼刺五十一

三

○剛與剛陽氣破散陰氣乃消亡○死陰之屬不過三日而
死生陽之屬不過四日而已○結陽者腫四支

結陰者便血一升

六 疾病

○陰虛則無氣無氣則死矣

九 藏象

○陽重脫者易狂陰陽皆脫者暴死不知人也

三十 藏象

○陽氣有餘陰氣不足則熱中善饑陽氣不足陰氣有

餘則寒中腸鳴腹痛

二十五 鍼刺二

經絡藏府病二

○天之邪氣感則害人五藏水穀之寒熱感則害人六

府地之濕氣感則害人皮肉筋脈

見論治類八

○百病之始生也必先於皮毛邪中之則腠理開開則入客於絡脈留而不去傳入於經留而不去傳入於府廩於腸胃邪之始入於皮也泝然起毫毛開腠理其入於絡也則絡脈盛色變其入客於經也則感虛乃陷下其留於筋骨之間寒多則筋攣骨痛熱多則

筋弛骨消肉爍腠破毛直而敗○邪客於皮則腠理
開開則邪入客於絡脈絡脈滿則注於經脈經脈滿
則入舍於府藏也

經絡三十一

○邪之客於形也必先舍於皮毛留而不去入舍於孫
脈留而不去入舍於絡脈留而不去入舍於經脈內
連五藏散於腸胃陰陽俱感五藏乃傷此邪之從皮
毛而入極於五藏之次也

鍼刺三十

○風雨之傷人也先客於皮膚傳入於孫脈孫脈滿則

傳入於絡脈絡脈滿則輸於大經脈○寒濕之中人也皮膚不收肌肉堅緊疾病十九

○天地溫和則經水安靜天寒地凍則經水凝泣天暑地熱則經水沸溢卒風暴起則經水波涌而隴起夫邪之入於脈也寒則血凝泣暑則氣淖澤虛邪因而入客亦如經水之得風也經之動脈其至也亦時隴

起鍼刺十四

○邪客於足少陰之絡令人卒心痛暴脹胃脇支滿○

邪客於手少陽之絡令人喉痺舌卷口乾心煩臂外
廉手痛不及頭○邪客於足厥陰之絡令人卒疝暴
痛○邪客於足太陽之絡令人頭項肩痛○邪客於
手陽明之絡令人氣滿胃中喘息而支肘胃中熱○
邪客於掌臂之間不可得屈○邪客於足陽蹻之脈
令人目痛從內眥始○邪客於手陽明之絡令人耳
聾時不聞音○邪客於足陽明之絡令人軌衄上齒
寒○邪客於足少陽之絡令人脇痛不得息欬而汗

出○邪客於足少陰之絡令人噤痛不可內食無故
善怒氣上走贛上○邪客於足太陰之絡令人腰痛
引少腹控眇不可以仰息○邪客於足太陽之絡令
人拘攣背急引脇而痛○邪客於足少陽之絡令人
留於樞中痛髀不可舉○邪客於五藏之間其病也
脈引而痛時來時止○邪客於手足少陰太陰足陽
明之絡此五絡皆會於耳中上絡左角五絡俱竭令
人身脈皆動而形無知也其狀若尸或曰尸厥

鍼刺
三十

○邪在肺則病皮膚痛寒熱上氣喘汗出欬動肩背○
邪在肝則兩脇中痛寒中惡血在內行善掣節時脚
腫○邪在脾胃則病肌肉痛陽氣有餘陰氣不足則
熱中善饑陽氣不足陰氣有餘則寒中腸鳴腹痛陰
陽俱有餘若俱不足則有寒有熱○邪在腎則病骨
痛陰痺陰痺者按之而不得腹脹腰痛大便難肩背
頸項痛時眩○邪在心則病心痛善悲時眩仆二十
鍼刺

五

○六府之病面熱者足陽明病魚絡血者手陽明病兩跗之上脈豎陷者足陽明病此胃脈也○大腸病者腸中切痛而鳴濯濯冬月重感於寒即泄當臍而痛不能久立與胃同候○胃病者腹臙脹胃脘當心而痛上支兩脇膈咽不通飲食不下○小腸病者小腹痛腰脊控臑而痛時窘之後當耳前熱若寒甚若獨肩上熱甚及手小指次指之間熱○三焦病者腹氣滿小腹尤堅不得小便窘急溢則水留即為脹○膀胱

膀胱病者小便偏腫而痛以手按之即欲小便而不得
肩上熱若脈陷及足小指外廉及脛踝後皆熱○膽
病者善太息口苦嘔宿汁心下澹澹恐人將捕之噓

中哕哕然數唾

鍼刺二
十四

○喜樂不節則傷藏藏傷則病起於陰也清濕襲虛則
病起於下風雨襲虛則病起於上○憂思傷心重寒
傷肺忿怒傷肝醉以入房汗出當風傷脾用力過度
若入房汗出浴則傷腎

疾病
二

○五藏受氣於其所生傳之於其所勝氣舍於其所生
死於其所不勝○五藏有病則各傳其所勝不治法
三月若六月若三日若六日傳五藏而當死是順傳
所勝之次故曰別於陽者知病從來別於陰者知死

生之期

藏象二
十四

○風寒傷形憂恐忿怒傷氣氣傷藏乃病藏寒傷形乃
應形風傷筋脈筋脈乃應

鍼刺三
十一

○風傷肝燥勝風○熱傷氣寒勝熱○濕傷肉風勝濕

○熱傷皮毛寒勝熱○寒傷血燥勝寒

藏象六

○心為噫肺為欬肝為語脾為吞腎為欠為噎胃為氣逆為噦為恐大腸小腸為泄下焦溢為水膀胱不利

為癢不約為遺溺膽為怒

疾病二十五

○憂愁思慮即傷心○飲食勞倦即傷脾○又過飲食

飽甚汗出於胃醉飽行房汗出於脾○久坐濕地強力入水即傷腎○恚怒氣逆上而不下即傷肝○又

遇疾走恐懼汗出於肝

運氣四十四○又疾病三略同

○情傷五藏者病死有時○五藏主藏精者也不可傷

傷則失守而陰虛陰虛則無氣無氣則死矣九藏象

○五藏六府之津液盡上滲於目心悲氣并則心系急

心系急則肺舉肺舉則液上溢故欬而泣出矣五疾病

八

○肺病者喘息鼻張肝病者皆青脾病者唇黃心病者

舌卷短顙赤腎病者顙與顏黑脈色類

三十一

○腹中常鳴氣上衝胃喘不能久立邪在大腸也○小

腹控臑引腰脊上衝心邪在小腸者連臑系屬於脊
貫肝肺絡心系氣盛則厥逆上衝腸胃燻肝散於盲
結於臍○善嘔嘔有苦長太息心中憺憺恐人將捕
之邪在膽逆在胃○飲食不下膈塞不通邪在胃脘

○小腹痛腫不得小便邪在三焦約

鍼刺四十七

○色起兩眉薄澤者病在皮唇色青黃赤白黑者病在
肌肉營氣濡然者病在血氣目色青黃赤白黑者病
在筋耳焦枯受塵垢病在骨

鍼刺二十六

○脈口浮滑者病日進人迎沈而滑者病日損其脈口

滑以沈者病日進在內其人迎脈滑盛以浮者其病

日進在外○脈之浮沈及人迎與寸口氣小大等者

病難已病之在藏沈而大者易已小為逆病在府浮

而大者其病易已○人迎盛堅者傷於寒氣口盛堅

者傷於食

脈色三十二

○數則煩心○澹則心痛

脈色二十一

○營之生病也寒熱少氣血上下行衛之生病也氣痛

時來時去怫愞貴響風寒客於腸胃之中寒痺之為

病也留而不去時痛而皮不仁

鍼刺三十二

○衛氣之留於腹中搖積不行苑蘊不得常所使人肢

脇胃中滿喘呼逆息

鍼刺二十六

○審察衛氣為百病母

鍼刺二十九

○任脈為病男子內結七疝女子帶下瘕聚○衝脈為

病逆氣裏急○督脈為病脊強反折此生病從少腹

上衝心而痛不得前後為衝疝其女子不孕癥痔遺

溺嗑乾

經絡二
十七

○足陽明五藏六府之海也其脈大血多氣盛熱壯

經絡

三十

○五藏不和則七竅不通六府不和則留結為癰

經絡
二十

二

○心肺有病而鼻為之不利也

藏象
十一

○皮膚薄而不澤肉不堅而淖澤則腸胃惡邪氣留止

大聚乃起

疾病七
十六

○穀入少而氣多者邪在胃及與肺也

疾病二
十一

○經筋之病寒則反折筋急熱則筋弛縱不收陰痿不

用陽急則反折陰急則俛不伸

疾病類
六十九

○氣上走贛上

鍼刺
三十

○五藏所惡○五藏化液○五藏所藏○五藏所主

疾病

二十
五

○肺布葉舉

疾病二
十六

○女子右為逆左為從男子左為逆右為從

論治
十四

○男子發左女子發右

脈色二十四

○四時藏脈病有太過不及

脈色十

○診尺論疾

脈色十八

○五味之走各有所病

氣味三

○諸經根結病刺

經絡三十

○本藏二十五變之病

藏象二十八

○五藏異藏虛實異病

藏象十

○藏脈六變病刺不同

脈色十九

○十五別絡虛實病刺

五經絡

時氣病 三

○春傷於風邪氣留連乃為洞泄夏傷於暑秋為痰瘧
秋傷於濕上逆而欬發為痿厥冬傷於寒春必溫病

四時之氣更傷五藏

見疾病類五

○冬傷於寒春必溫病春傷於風夏生飧泄夏傷於暑
秋必痰瘧秋傷於濕冬生欬嗽

陰陽一○脈色三十三卷同

○春氣者病在頭夏氣者病在藏秋氣者病在肩背冬
氣者病在四支故春善病鼽衄仲夏善病胃脇長夏

善病洞泄寒中秋善病風瘧冬善病痺厥故冬不按
蹠春不熱衄春不病頸項仲夏不病胃脇長夏不病
洞泄寒中秋不病風瘧冬不病痺厥飧泄而汗出也
夫精者身之本也故藏於精者春不病溫夏暑汗不
出者秋成風瘧此平人脈法也

疾病二十七

○春青風夏陽風秋涼風冬寒風黃色薄皮弱肉者不
勝春之虛風白色薄皮弱肉者不勝夏之虛風青色
薄皮弱肉者不勝秋之虛風赤色薄皮弱肉者不勝

冬之虛風黑色皮薄而肉不堅色不一者長夏至而有虛風者病矣

藏象二十一

○清氣大來燥之勝也風木受邪肝病生焉熱氣大來火之勝也金燥受邪肺病生焉寒氣大來水之勝也火熱受邪心病生焉濕氣大來土之勝也寒水受邪腎病生焉風氣大來木之勝也土濕受邪脾病生焉所謂感邪而生病也乘年之虛則邪甚也失時之和亦邪甚也遇月之空亦邪甚也重感於邪則病危矣

有勝之氣其必來復也

運氣三十一

○是故邪氣者常隨四時之氣血而入客也至其變化

不可為度

鍼刺十九

○五藏各以其時受病非其時各傳以與之人與天地相參故五藏各以治時感於寒則受病微則為欬甚則為泄為痛乘秋則肺先受邪乘春則肝先受之乘夏則心先受之乘至陰則脾先受之乘冬則腎先受

之疾病五十二

○逆春氣則傷肝夏為寒變奉長者少逆夏氣則傷心
秋為痰瘧奉收者少逆秋氣則傷肺冬為飧泄奉藏
者少逆冬氣則傷腎春為痿厥奉生者少

攝生
四

○逆春氣則少陽不生肝氣內變逆夏氣則太陽不長
心氣內洞逆秋氣則太陰不收肺氣焦滿逆冬氣則
少陰不藏腎氣獨沈

攝生
六

○東方色青入通於肝其病發驚駭南方色赤入通於
心故病在五藏中央黃色入通於脾故病在舌本西

方白色入通於肺故病在背北方黑色入通於腎故

病在谿

藏象四

○厥陰所至為裏急為支痛為綆戾為脇痛嘔泄○少陰所至為瘍疹身熱為驚惑惡寒戰慄譫妄為悲妄衄蟻為語笑○太陰所至為積飲否隔為積滿為中滿霍亂吐下為重胛腫○少陽所至為噎嘔為瘡湯為驚躁脊昧暴病為喉痺耳鳴嘔涌為暴注暎瘕暴死○陽明所至為浮虛為尻陰股膝髀膕胻足病為

脇痛鈹揭為軌嚏○太陽所至為屈伸不利為腰痛
為寢汗瘖為流泄禁止○故風勝則動熱勝則腫燥
勝則乾寒勝則浮濕勝則濡泄甚則水閉跗腫隨氣
所在以言其變耳

運氣二
十一

○氣之不襲是謂非常非常則變矣變至則病所勝則
微所不勝則甚因而重感於邪則死矣

運氣二

○氣相得則和不相得則病帝曰氣相得而病者何也

岐伯曰以下臨上不當位也

運氣四

○中執法者其病速而危中行令者其病徐而持中貴人者其病暴而死君位臣則順臣位君則逆逆則其病近其害速順則其病遠其害微所謂二火也○太過不及皆曰天符而變行有多少病形有微甚生死

有蚤晏耳

運氣類七

○太過者暴不及者徐暴者為病甚徐者為病持

運氣二十

三

○月滿則海水西盛人血氣積雖遇賊風其入淺不深

至其月郭空則海水東盛人氣血虛遇賊風則其入
深○三虛者乘年之衰逢月之空失時之和因為賊
風所傷是謂三虛三實者逢年之盛遇月之滿得時
之和雖有賊風邪氣不能危之也

運氣三十
六

欽定四庫全書

卷三十一

虛實病四

○邪之所湊其氣必虛陰虛者陽必湊之

見疾病類三十一

○氣之所并為血虛血之所并為氣虛○故氣并則無

血血并則無氣

疾病十九

○肝氣虛則恐實則怒脾氣虛則四支不用五藏不安

實則腹脹經澀不利心氣虛則悲實則笑不休肺氣

虛則鼻塞不利少氣實則喘喝胃盈仰息腎氣虛則

厥實則脹

藏象十

○手太陰實則手銳掌熱虛則欠故小便遺數○手少陰實則支膈虛則不能言○手心主實則心痛虛則為頭強○手太陽實則節弛肘廢虛則生眈小者如指痂疥○手陽明實則齟齬虛則齒寒痺隔○手少陽實則肘攣虛則不收○足太陽實則軌室頭臂痛虛則軌衄○足少陽實則厥虛則痿躄坐不能起○足陽明實則狂癩虛則足不收脛枯○足太陰實則腸中切痛虛則鼓脹○足少陰實則閉癢虛則腰痛

○足厥陰實則挺長虛則暴痿○任脉實則腹皮痛

虛則癢搔○督脉實則脊強虛則頭重高搖之○脾

之大絡實則身盡痛虛則百節盡皆縱

經絡五

○五藏主藏精者也不可傷傷則失守而陰虛陰虛則

無氣無氣則死矣

藏象九

○勇者氣行則已怯者則著而為病

疾病五十三

○實者氣入也虛者氣出也

疾病二十一

○邪之所在皆為不足故上氣不足腦為之不滿耳為

之苦鳴頭為之苦傾目為之苦眩中氣不足洩便為
之變腸為之苦鳴下氣不足則乃為痿厥心悅疾七十

九

○營氣虛則不仁衛氣虛則不用營衛俱虛則不仁且
不用肉如故也人身與志不相有曰死疾病十四

○氣海有餘者氣滿留中悅息面赤氣海不足則氣少
不足以言○血海有餘則常想其身大怫然不知其
所病血海不足亦常想其身小狹然不知其所病○

水穀之海有餘則腹滿水穀之海不足則饑不受穀

食○髓海有餘則輕勁多力自過其度髓海不足則

腦轉耳鳴脛痠眩冒目無所見懈怠安臥

經絡三十二

○下虛則厥下盛則熱上虛則眩上盛則熱痛

經絡十二

○三焦者太陽之別也並太陽之正入絡膀胱約下焦

實則閉癢虛則遺溺

經絡十六

○寒則真氣去去則虛虛則寒搏於皮膚之間

疾病四

○陰氣盛陽氣虛故為振寒○胃不實則諸脈虛諸脈

虛則筋脈懈惰則行陰用力氣不能復故為痺

七十九

九

○肝虛腎虛脾虛皆令人體重煩冤○怯然少氣者是

水道不行形氣消索也

九十九

○髓液皆減而下下過度則虛虛故腰背痛而脛痠

疾

五十

○內奪而厥則為瘖俳此腎虛也

十一

○八正之虛邪而避之勿犯也以身之虛而逢天之虛

兩虛相感其氣至骨入則傷五藏工候救之弗能傷也故曰天忌不可不知也○虛邪者八正之虛邪氣也正邪者身形若用力汗出腠理開逢虛風其中人

也微

鍼刺十三

○三虛者其死暴疾也得三實者邪不能傷人也○乘年之衰逢月之空失時之和因為賊風所傷是謂三虛○帝曰願聞三實少師曰逢年之盛遇月之滿得時之和雖有賊風邪氣不能危之也

運氣三十六

○精氣津液血脈脫者之病

藏象二十五

○五有餘二不足者死不治

疾三病三十六

○人神失守邪鬼外干

運氣四十三

○形肉已奪是一奪也大奪血之後是二奪也大汗出

之後是三奪也大泄之後是四奪也新產及大血之

後是五奪也此皆不可寫

鍼刺五十八

氣血津液病 五

○清氣在陰濁氣在陽營氣順脈衛氣逆行清濁相干
亂於胃中是為大惋故氣亂於心則煩心密嘿俛首
靜伏亂於肺則俛仰喘喝接手以呼亂於腸胃則為
霍亂亂於臂脛則為四厥亂於頭則為厥逆頭重眩

仆
二十七
見鍼刺類

○寒氣生濁熱氣生清清氣在下則生飧泄濁氣在上
則生臌脹○壯火之氣衰少火之氣壯壯火食氣氣

食少火壯火散氣少火生氣一陰陽

○足陽明其病氣逆則喉痺瘁瘖○足太陰厥氣上逆

則霍亂○足少陰其病氣逆則煩悶○足厥陰其病

氣逆則罍腫卒疝經絡五

○長則氣治短則氣病上盛則氣高下盛則氣脹代則

氣衰細則氣少○數動一代者病在陽之脈也洩及

便膿血脈色二十一

○大驚卒恐則血氣分離疾病七十九

○五氣入鼻藏於心肺心肺有病而鼻為之不利也藏

一十

○乳之下其動應衣宗氣泄也十一 脈色

○一呼脈一動一吸脈一動曰少氣三 脈色

○脈小者尺之皮膚亦減而少氣十七 脈色

○因於氣為腫四維相代陽氣乃竭五 疾病

○一陽發病少氣六 疾病

○言而微終日乃復言者此奪氣也十一 疾病九

○精脫者耳聾氣脫者目不明津脫者腠理開汗大泄液脫者骨屬屈伸不利色天腦髓消脛痠耳數鳴血脫者色白天然不澤

藏象二
十五

○衝脈為病逆氣裏急

經絡二
十七

○怒則氣逆甚則嘔血

疾病二
十六

○穀入多而氣少者得之有所脫血○脈小血多者飲中熱也脈大血少者脈有風氣水漿不入也

疾病二
十一

○少陰所謂欬則有血者陽脈傷也陽氣未盛於上而

脈滿滿則發故血見於鼻也

疾病十一

○脾移熱於肝則為驚劬

疾病四十六

○肺脈搏堅而長當病唾血○肝脈若搏因血在脇下

令人喘逆○脾脈搏堅而長其色黃當病少氣○腎

脈奘而散者當病少血

脈色二十六

○臂多青脈曰脫血○安臥脈盛謂之脫血

脈色二十六

○結陰者便血一升再結二升三結三升

疾病六

○悲哀太甚則胞絡絕胞絡絕則陽氣內動發則心下

崩數洩血也

疾病七十一

○陽絡傷則血外溢血外溢則衄血陰絡傷則血內溢

血內溢則後血

疾病二十一

○血泄者脈急血無所行也

疾病九

○孫絡外溢則經有留血

疾病十八

○心脈微瀼為血溢○肺脈微急為肺寒熱急情欬唾

血○肺脈微滑為上下出血瀼甚為嘔血○腎脈微

瀼為不月

脈色十九

○血氣者喜溫而惡寒寒則泣不能流溫則消而去之

疾病十九

○陰虛陽搏謂之崩

脈色二十九

○白血出者死

運氣三十陽明司天下

○月事不來者胞脈閉也胞脈者屬心而絡於胞中今

氣上迫肺心氣不得下通故月事不來也

疾病三十一

○婦人之生有餘於氣不足於血以其數脫血也

藏象十七

情志病 六

○志意者所以御精神收魂魄適寒溫和喜怒者也

○志意和則精神專直魂魄不散悔怒不起五藏不受

邪矣

見藏象類二十八

○天有四時五行以生長收藏以生寒暑燥濕風人有

五藏化五氣以生喜怒悲憂恐故喜怒傷氣寒暑傷

形暴怒傷陰暴喜傷陽厥氣上行脈滿去形喜怒不

節寒暑過度生乃不固

陰陽一○天元紀大論作喜
怒思憂恐見運氣三○暴怒

傷陰以下四句
又見論治十八

○東方生風在聲為呼在變動為握在志為怒怒傷肝
悲勝怒○南方生熱在聲為笑在變動為憂在志為
喜喜傷心恐勝喜○中央生濕在聲為歌在變動為
噦在志為思思傷脾怒勝思○西方生燥在聲為哭
在變動為欬在志為憂憂傷肺喜勝憂○北方生寒
在聲為呻在變動為慄在志為恐恐傷腎思勝恐

藏象

五

○東方色青入通於肝其病發驚駭

藏象四

○夫百病之始生也皆生於風雨寒暑陰陽喜怒飲食居處大驚卒恐則血氣分離陰陽破散經絡厥絕脈道不通陰陽相逆衛氣稽留經脈虛空血氣不次乃

失其常

疾病七十九

○憂恐悲喜怒令不得以其次故令人有大病矣因而喜大虛則腎氣乘矣怒則肝氣乘矣悲則肺氣乘矣

恐則脾氣乘矣憂則心氣乘矣

疾病二十九

○怵惕思慮者則傷神神傷則恐懼流淫而不止○悲
哀動中者竭絕而失生○喜樂者神憚散而不藏○
愁憂者氣閉塞而不行○盛怒者迷惑而不治○恐
懼者神蕩憚而不收○心怵惕思慮則傷神神傷則
恐懼自失破胭脫肉○脾憂愁而不解則傷意意傷
則惋亂四肢不舉○肝悲哀動中則傷魂魂傷則狂
忘不精當人陰縮而攣筋兩脇骨不舉○肺喜樂無
極則傷魄魄傷則狂皮革焦○腎盛怒而不止則傷

志志傷則喜忘其前言腰脊不可以俛仰屈伸恐懼
而不解則傷精精傷則骨痠痿厥精時自下

藏象九

○血并於上氣并於下心煩惋善怒○血并於下氣并
於上亂而喜忘○喜怒不節則陰氣上逆上逆則下
虛下虛則陽氣走之故曰實矣○喜則氣下悲則氣
消消則脈虛空因寒飲食寒氣熏滿則血泣氣去故

曰虛矣

疾病十九

○胃為氣逆為噦為恐○膽為怒○精氣并於心則喜

并於肺則悲并於肝則憂并於脾則畏并於腎則恐

○陽入之陰則靜陰出之陽則怒

疾病二十五

○悲哀太甚則胞絡絕胞絡絕則陽氣內動發則心下

崩數澀血也○思想無窮所願不得意淫於外入房

太甚宗筋弛縱發為筋痿及為白淫

疾病七十一

○憂愁思慮即傷心○恚怒氣逆上而不下即傷肝

運

四十四

○神有餘則笑不休神不足則悲○血有餘則怒不足

則恐

疾病十八

○多陽者多喜多陰者多怒

鍼刺二十二

○水之精為志火之精為神水火相感神志俱悲是以

目之水生也故諺言曰心悲名曰志悲

疾病八十

○肝藏血血舍魂肝氣虛則恐實則怒○脾藏營營舍

意○心藏脈脈舍神心氣虛則悲實則笑不休○肺

藏氣氣舍魄○腎藏精精舍志

藏象十

○愁憂恐懼則傷心形寒寒飲則傷肺

疾病三

○悲哀愁憂則心動心動則五藏六府皆搖疾病七十九

○憂恐忿怒傷氣氣傷藏乃病藏鍼刺三十一

○春脈太過則令人善怒脈色十

○陽明所謂甚則厥惡人與火聞木音則惕然而驚者陽氣與陰氣相薄水火相惡故惕然而驚也○所謂欲獨閉戶而處者陰陽相薄也陽盡而陰盛故欲獨閉戶牖而居○所謂病至則欲乘高而歌棄衣而走者陰陽復爭而外并於陽故使之棄衣而走也○少

陰所謂恐如人將捕之者秋氣萬物未有畢去陰氣少陽氣入陰陽相薄故恐也○肝氣當治而未得故善怒善怒者名曰煎厥○所謂惡聞食臭者胃無氣故惡聞食臭也

疾病十一

○厥陰為闔闔折則氣絕而喜悲

經絡三十

○邪客於足少陰之絡令人無故善怒氣上走贛上

刺鍼

三十一

○形樂志苦病生於脈形樂志樂病生於肉形苦志樂

病生於筋形苦志苦病生於咽嗑形數驚恐經絡不

通病生於不仁

論治

○嘗貴後賤雖不中邪病從内生名曰脫營嘗富後貧名曰失精五氣留連病有所并○暴樂暴苦始樂後苦皆傷精氣精氣竭絕形體毀沮暴怒傷陰暴喜傷陽厥逆上行滿脈去形愚醫治之不知補寫不知病情精華日脫邪氣乃并○故貴脫勢雖不中邪精神內傷身必敗亡始富後貧雖不傷邪皮焦筋屈痿癈

為學論治
十八

○陽氣者大怒則形氣絕而血菀於上使人薄厥○俞

氣化薄傳為善畏及為驚駭疾病五

○目堅固以深者長衝直揚其心剛剛則多怒怒則氣

上逆疾病七十六

○心痺者脈不通厥氣上則恐疾病六十七

○隔則閉絕上下不通則暴憂之病也疾病七十八

○飲食不節喜怒不時津液內溢乃下留於臍鍼刺三十三

--	--	--	--	--	--	--	--	--

頭項病_七

○頭痛顛疾下虛上實過在足少陰巨陽

見疾病類十四

○來疾去徐上實下虛為厥顛疾○推而下之而不

上頭項痛也

脈色二十一

○上氣不足腦為之不滿頭為之苦傾

疾病七十九

○陽明并於上上者則其孫絡太陰也故頭痛鼻鼽腹

腫也

疾病十一

○寸口之脈中手短者曰頭痛

脈色十六

厥成為巔疾

疾病七十七

○春脈太過則令人善怒忽眩冒而巔疾

脈色十類

○浮而散者為胸仆

脈色二十一

○厥頭痛○真頭痛

鍼刺四十三

七竅病八

○五藏不和則七竅不通

見經絡類
二十二

○陽不勝其陰則五藏氣爭九竅不通

五 疾病

○失之則內閉九竅外壅肌肉

五 疾病

○脾不及則令人九竅不通名曰重強

十 脈色

○二陽一陰陽明主病不勝一陰脈與而動九竅皆沈

七 疾病

○蹠脈氣不榮則目不合

經絡二
十八

○太陽之脈其終也戴眼

疾病九十七

○診目痛赤脈從上下者太陽病從下上者陽明病從

外走內者少陽病

脈色三十三

○泣不止則液竭液竭則精不灌精不灌則目無所見

矣故命曰奪精○上氣不足耳為之苦鳴目為之眩

疾病七十九

○精脫者耳聾○液脫者耳數鳴○氣脫者目不明

象藏

二十
五

○膀胱移熱於小腸上為口糜○膽移熱於腦則辛頰

鼻淵鼻淵者濁涕下不止也傳為衄鱗瞑目

疾病四十六

○太陽所謂耳鳴者陽氣萬物盛上而躍故耳鳴也

○所謂浮為聾者皆在氣也○所謂入中為瘖者陽盛

已衰故為瘖也內奪而厥則為瘖俳此腎虛也○少

陰所謂不能久立久坐起則目眩暈無所見也○厥

陰所謂甚則噤乾熱中者陰陽相薄而熱故噤乾也

疾病
十一

○歲太陰在泉民病耳聾耳鳴渾渾焯焯運氣二
十五

○足陽明之筋引缺盆及頰卒口僻急者目不合熱則

筋縱目不開頰筋有寒則急引頰移口有熱則筋弛

縱緩不勝收故僻疾病六
十九

○督脈為病嗑乾經絡二
十七

○一陰一陽結謂之喉痺疾病
六

○手陽明少陽厥逆發喉痺嗑腫疾病三
十五

○手少陰虛則不能言○手陽明實則齟齬○足太陽

實則軌窒虛則軌衄○足陽明氣逆則喉痺瘁瘖

絡經

五

○人有重身九月而瘖此為何也岐伯曰胞之絡脈絕也胞絡者繫於腎少陰之脈貫腎繫舌本故不能言

疾病六十一

○男子發左女子發右不瘖舌轉可治三十日起其從者瘖三歲起年不滿二十者三歲死

脾色二
十四

○人之鼻洞涕出不收者頽顙不開分氣失也○人卒

然無音者寒氣客於厭則厭不能發發不能下至其

開闔不致故無音

鍼刺四十五

○不得臥而息有音者是陽明之逆也

疾病八十二

○心脈搏堅而長當病舌卷不能言

脈色二十

○肝脈鶩暴有所驚駭脈不至若瘖不治自已

脈色二十四

○狗蒙招尤目冥耳聾下實上虛過在足少陽厥陰

疾病

四十

○搏陰則為瘖

疾病二十五

○灸之則陽氣入陰入則瘡

疾病三十八

○五氣入鼻藏於心肺心肺有病而鼻為之不利也

藏象

一十

胃脇腰背痛九

○太陽所謂腫腰脰痛者正月陽氣出在上而陰氣盛陽未得自次也故腫腰脰痛也○所謂強上引背者陽氣大上而爭故強上也○少陽所謂心脇痛者言少陽盛也九月陽氣盡而陰氣盛故心脇痛也○陽明所謂胃痛少氣者水氣在藏府也水者陰氣也陰氣在中故胃痛少氣也○少陰所謂腰痛者少陰者腎也十月萬物陽氣皆傷故腰痛也○厥陰所謂腰

脊痛不可以俛仰者三月一振榮華萬物一俛而不

仰也

疾病十一

○督脈為病脊強反折

經絡二十七

○春脈不及則令人胃痛引背下則兩脇脹滿○秋脈

太過則令人逆氣而背痛○冬脈不及則令人眇中

清脊脈痛

脈色十

○腎脈搏堅而長其色黃而赤者當病折腰

脈色二十

○髓液皆減而下下過度則虛虛故腰背痛而脛痠

疾病

五十
八

○腹滿臍脹支鬲脇下厥上冒過在足太陰陽明

○心煩頭痛病在鬲中過在手巨陽少陰疾病十四

○腎志傷則腰脊不可俛仰屈伸藏象九

○腎脈緩甚為折脊脈色十九

○寸口脈中手促上擊者曰肩背痛脈色十六

○額後為脇痛疾病十四

皮毛筋骨病^十

○虛邪之中人也洒淅動形起毫毛而發腠理其入深
內搏於骨則為骨痺搏於筋則為筋攣○虛邪之入
於身也深寒勝其熱則骨疼肉枯熱勝其寒則爛肉
腐肌為膿內傷骨為骨蝕○有所疾前筋發為筋溜
○以手按之堅骨與氣并日以益大則為骨疽○有

所結中於肉無熱則為肉疽

見疾病類四

○心脈急甚為瘕癧○肝脈微澁為瘕攣筋痺○脾脈

急甚為瘈瘲

脈色十九

○手屈而不伸者其病在筋伸而不屈者其病在骨

鍼刺

一五十一

○少陽司天客勝內為瘈瘲○厥陰在泉客勝則人關

節不利內為瘈強拘瘈主勝則筋骨絲併

運氣三十

○液脫者骨屬屈伸不利色天腦髓消脛痠

藏象二十五

○少陽為樞樞折即骨絲而不安於地骨絲者節緩而

不收也

經絡三十

○腎傳之心病筋脈相引而急病名曰瘕

疾病類二十九

○三陽為病其傳為索澤

六疾病

○因而強力腎氣乃傷高骨乃壞

五疾病

○皮膚肉苛

十四運氣

○嬰兒病其頭毛皆逆上者必死

十三脈色三

○地之溫氣感則害人皮肉筋脈

八論治

四支病 十一

○三陽三陰發病為偏枯痿易四支不舉○陰爭於內陽擾於外魄汗未藏四逆而起○結陽者腫四支

見疾

病類
六

○虛邪偏容於身半其入深內居榮衛榮衛稍衰則真氣去邪氣獨留發為偏枯其邪氣淺者脈偏痛

疾
四病

○有傷於筋縱其若不容汗出偏沮使人偏枯

疾
五病

○胃脈沈鼓漇胃外鼓大心脈小堅急皆高偏枯男子

發左女子發右不瘡舌轉可治三十日起其從者瘡

三歲起年不滿二十者三歲死

脈色二十四

○胃脈搏堅而長其色赤當病折髀○脾脈爽而散色

不澤者當病足胻腫若水狀也

脈色二十

○太陽所謂偏虛者冬寒頗有不足者故偏虛為跛也

內奪而厥則為瘖俳此腎虛也○陽明所謂脛腫

而股不收者是五月盛陽之陰也陽者衰於五月而

一陰氣上與陽始爭故脛腫而股不收也

疾病十一

○脾脈太過則令人四支不舉

脈色十

○四支解墮此脾精之不行也

疾九病

○意傷則悅亂四支不舉

藏象九

○寸口脈中手長者曰足脛痛

脈色十六

○推而上之上而不下腰足清也

脈色十一

○蹠跛風寒濕之病也

疾病七十八

二陰病 十二

○倉廩不藏是門戶不要也水泉不止是膀胱不藏也

得守者生失守者死

見疾病類九十一

○手太陰虛則小便遺數○足少陰實則閉癢○足厥

陰結於莖氣逆則辜腫卒疝實則挺長虛則暴癢

經絡

五

○厥陰之厥腹脹溼澁不利陰縮腫○厥陰厥逆虛滿

前閉

疾病三十五

○脾傳之腎病名疝瘕少腹寬熱而痛出白一名曰蠱

疾病二
十九

○肝悲哀動中則傷魂當人陰縮而攣筋兩脇骨不舉

○恐懼而不解則傷精精傷則骨痠痿厥精時自下

藏象
九

○思想無窮所願不得意淫於外入房太甚宗筋弛縱

發為筋痿及為白淫○陽明虛則宗筋縱

疾病七
十一

○中氣不足溲便為之變

疾病七
十九

○陰陽不和則使液溢而下流於陰髓液皆減而下下

過度則虛虛故腰背痛而脛痠

疾病類五十八

○膀胱不利為癰不約為遺溺

疾病二十五

○胞移熱於膀胱則癰溺血○膀胱移熱於小腸鬲腸

不便

疾病四十六

○肺消者飲一溲二死不治

疾病四十六

○肝脈搏堅而長色不青當病墜

脈色二十

○腎脈微急為不得前後○腎脈大甚為陰痿微滑為

不月沈痔

脈色十九

○有瘡者一日數十溲此不足也

疾病三十六

○足太陰之筋病陰器紐痛下引臍○足厥陰之筋病

陰器不用傷於內則不起傷於寒則縮入傷於熱則

縱挺不收

疾病六十九

○任脈為病女子帶下○督脈為病瘡痔遺溺

經絡二十七

○肝所生病者遺溺閉瘡

疾病十

○小腸病者小腹腰痛脊控臑而痛時窘之後


鍼刺二十四

○太陽之勝陰中廼瘍隱曲不利互引陰股運氣二十七

○小便黃者少腹中有熱也疾病三十一

○冬脈不及則令人少腹滿小便變脈色十

○淫氣遺溺痺聚在腎疾病六十七



類經卷三十一

欽定四庫全書

子部
類經卷三十二

詳校官太醫院醫士臣針岱

編修臣倉聖脈覆勘

總校官知縣臣楊懋珩

校對官助教臣郭祚熾

謄錄監生臣胡騰蛟

欽定四庫全書

類經卷三十二

明 張介賓 撰

會通類

疾病

十二下

風證

十三

○風者百病之始也

見脈色類
三十二

○風者百病之始也風從外入令人振寒汗出頭痛身

重惡寒○從風憎風○病大風骨節重鬢眉墮名曰

大風○癘風○偏枯○痲之為病○智亂不甚其言
微知可治甚則不能言不可治也○風痙身反折

鍼刺

三十
六

○賊風邪氣乘虛傷人

運氣三十六

○陽受風氣陰受濕氣○傷於風者上先受之傷於濕
者下先受之

疾病十三

○邪風之至疾如風雨

論治八

○風成為寒熱久風為殮泄脈風成為癘

疾病類七十七

○病在陽者命曰風病在陰者命曰痺陰陽俱病命曰

風痺○風寒傷形

鍼刺三十一

○人一呼脈三動一吸脈三動而躁尺不熱脈滑曰病

風

脈色三

○脈大血少者脈有風氣

疾病二十一

○脈滑曰風

脈色十六

○來徐去疾上虛下實為惡風也故中惡風者陽受氣

也

脈色二十一

○二陽之病發心脾其傳為風消疾 病 六

○面腫曰風疾 病 五 十 九

○正邪者身形若用力汗出腠理開逢虛風其中人也

微故莫知其情莫見其形鍼 刺 十 三

○八風傷人為病運 氣 三 十 五

寒熱病 十四

○陰主寒陽主熱寒甚則熱熱甚則寒故曰寒生熱熱

生寒此陰陽之變也

見脈色類
三十三

○寒極生熱熱極生寒寒氣生濁熱氣生清清氣在下

則生飧泄濁氣在上則生臌脹○重寒則熱重熱則

寒寒傷形熱傷氣

陰陽
一

○故犯賊風虛邪者陽受之陽受之則入六府入六府

則身熱不時臥上為喘呼

疾病
十三

○陽勝者則為熱陰勝者則為寒寒則真氣去去則虛
虛則寒搏於皮膚之間○寒勝其熱則骨疼肉枯熱
勝其寒則爛肉腐肌為膿內傷骨內傷骨為骨蝕

疾

四

○寒則腠理閉氣不行故氣收矣是則腠理開營衛通

汗大泄故氣泄矣

疾病二
十六

○寒多則筋攣骨痛熱多則筋弛骨消肉燥腠破毛直

而敗

經絡三
十一

○寒多則凝泣凝泣則青黑熱多則淖澤淖澤則黃赤

脈色三十五

○寒則反折筋急熱則筋弛縱不收陰痿不用陽急則

反折陰急則俛不伸

疾病六十九

○陰氣不足則內熱陽氣有餘則外熱內熱相搏熱於

懷炭外畏綿帛近不可近身又不可近席

鍼刺類三十三

○三陽為病發寒熱

疾病六

○陽明所謂洒洒振寒者陽明者午也五月盛陽之陰

也陽盛而陰氣加之故洒洒振寒也

疾病十一

○肺脈微急為肺寒熱○脾脈小甚為寒熱

脈色十九

○寸口脈沈而弱沈而喘曰寒熱○緩而滑曰熱中

脈尺麤常熱者謂之熱中

脈色十六

○夏脈太過則令人身熱而膚痛為浸淫

脈色十

○沈細數散者寒熱也○推而內之外而不內身有熱

也

脈色二十一

○其寒飲食入胃從肺脈上至於脈則肺寒肺寒則外

內合邪疾病五十二

○榮衛稽留衛散營溢氣竭血著外為發熱內為少氣

八經絡

○血并於陽氣并於陰乃為炁中疾病十九

○喜怒不適食飲不節寒溫不時則寒汁流於腸中流於腸中則蟲寒蟲寒則積聚守於下管則腸胃充郭

衛氣不營邪氣居之鍼刺四十八

○形寒寒飲則傷肺疾病三

○中熱則胃中消穀消穀則蟲上下作腸胃充郭故胃

緩胃緩則氣逆故唾出

疾病五十八

○氣虛身熱此謂反也○氣實者熱也氣虛者寒也

疾病

二十

○皮寒熱者不可附席毛髮焦鼻槁腊○肌寒熱者肌

痛毛髮焦而脣槁腊○骨寒熱者病無所安汗注不

休齒未槁取其少陰於陰股之絡齒已槁死不治骨

厥亦然

鍼刺四十一

○掌中熱者腹中熱掌中寒者腹中寒○魚上白肉有

青血脈者胃中有寒

脈色十八

○中熱消痺則便寒寒中之屬則便熱胃中熱則消穀
令人縣心善饑臍以上皮熱腸中熱則出黃如糜臍
以下皮寒胃中寒則腹脹腸中寒則腸鳴飧泄胃中
寒腸中熱則脹而且泄胃中熱腸中寒則疾饑小腹

痛脹

論治二

○血氣者喜溫而惡寒寒則泣而不流溫則消而去之

疾病
十九

○小骨弱肉者善病寒熱疾病七
十六

○不遠熱則熱至不遠寒則寒至寒至則堅否腹滿痛

急下利之病生矣熱至則身熱吐下霍亂癰疽瘡瘍

瘡鬱注下潤癰腫脹嘔飢衄頭痛骨節變肉痛血溢

血泄淋閼之病生矣運氣
二十

○診寒熱赤脈上下至瞳子見一脉一歲死見一脉半

一歲半死見二脈二歲死見二脈半二歲半死見三

脈三歲死

脈色三十

○人之病同時而傷其身多熱者易已多寒者難已

藏象

二十

傷寒 十五

○人傷於寒而傳為熱何也岐伯曰夫寒盛則生熱也

見鍼刺類
三十九

○氣盛身寒得之傷寒氣虛身熱得之傷暑疾病二
十一

○人一呼脈三動一吸脈三動而躁尺熱曰病溫脈色
三

○尺膚熱甚脈盛躁者病溫也脈色
十八

○疫癘有五論治二十〇
四十一〇四十二
逆氣

○諸熱病死生之刺鍼刺
四十

喘欬嘔噦 十六

○犯賊風虛邪者陽受之陽受之則入六府入六府則身熱不時臥上為喘呼

見疾病類十三

○太陽藏獨至厥喘虛氣逆是陰不足陽有餘也

脈色十五

○太陰所謂上走心為噫者陰盛而上走於陽明陽明絡屬心故曰上走心為噫也○所謂食則嘔者物盛滿而上溢故嘔也○少陰所謂嘔欬上氣喘者陰氣在下陽氣在上諸陽氣浮無所依從故嘔欬上氣喘

也

疾一十病

○二陽之病發心脾其傳為息賁

疾六病

○一陽發病少氣善欬○二陽一陰發病主驚駭背痛

善噫

疾六病

○足太陰病舌本強食則嘔胃脘痛腹脹善噫足厥陰

肝所生病者胸滿嘔逆

疾十病

○足太陰厥氣上逆則霍亂

經絡五

○陽明厥則喘而惋惋則惡人帝曰或喘而死者或喘

而生者何也岐伯曰厥逆連藏則死連經則生

疾病十二

○胃為氣逆為噦為恐

疾病二十五

○今有故寒氣與新穀氣俱還入於胃新故相亂真邪

相攻氣并相逆復出於胃故為噦○寒氣客於胃厥

逆從下上散復出於胃故為噫○肺主為噦

疾病七十九

寒氣客於腸胃厥逆上出故痛而嘔也

疾病類六十六

○心脈小甚為善噦○肺脈滑甚為息賁上氣○肝脈

緩甚為善嘔○腎脈微緩為洞洞者食不化下嗑還

出脈色
十九

○肝脈若搏因血在脇下令人喘逆

脈色二十

○腎者水藏主津液主臥與喘也

疾病八十二

○欬嗽煩寃者是腎氣之逆也○喘欬者是水氣并陽

明也

疾病九

○心痺者脈不通煩則心下鼓暴上氣而喘噎乾善噫

疾病六十七

○膽液泄則口苦胃氣逆則嘔苦故曰嘔膽

鍼刺四十七

○欬嗽上氣厥在胃中過在手陽明太陰

疾病十四

○秋脈不及則令人喘呼吸少氣而欬上氣見血下聞

病音

脈色十

○勞則喘息汗出外內皆越故氣耗矣

疾病二十六

○噦以草刺鼻嚏嚏而已無息而疾迎引之立已大驚

之亦可已

鍼刺五十三

○病深者其聲噦

鍼刺九

○刺中心一日死其動為噫○刺中肺三日死其動為

效○刺中膽一日半死其動為嘔○刺缺盆中內陷

氣泄令人喘效逆

鍼刺六十四

○若有七診之病其脈候亦敗者死矣必發噦噫

脈色三十

五

○太陰終者善噦善嘔

疾病九十七

腫脹 十七

○黃帝曰少陰何以主腎腎何以主水岐伯曰腎者至陰也至陰者盛水也肺者太陰也少陰者冬脈也故其本在腎其末在肺皆聚水也○腎者胃之關也關門不利故聚水而從其類也○腎者牝藏也地氣上者屬於腎而生水液也故曰至陰○故水病下為跗腫大腹上為喘呼不得臥者標本俱病

見鍼刺類三十八

○諸有水氣者微腫先見於目下也水者陰也目下亦

陰也腹者至陰之所居故水在腹者必使目下腫也

○諸水病者故不得臥臥則驚驚則效甚也

疾病三十一

○天寒則腠理閉氣濕不行水下留於膀胱則為溺與

氣○陰陽氣道不通四海閉塞三焦不寫津液不化

留於下焦不得滲膀胱則下焦脹水溢則為水脹

疾病

五十八

○陽明所謂上喘而為水者陰氣下而復上上則邪客

於藏府間故為水也所謂胃痛少氣者水氣在藏府

也水者陰氣也陰氣在中故胃痛少氣也○太陰所謂病脹者太陰子也十一月萬物氣皆藏於中故曰

病脹

疾病十一

○目窠上微癰如新臥起狀其頸脉動時歛按其手足上窻而不起者風水膚脹也

脉色十八病五十七略同疾

○本之於腎名曰風水

鍼刺三十八

○腎肝并沈為石水并浮為風水

脉色二十四

○肺移寒於腎為涌水涌水者按腹不堅水氣客於大

腸疾行則鳴濯濯如囊裹漿水之病也疾病四十六

○肝滿腎滿肺滿皆實即為腫肺之雍喘而兩胠滿肝

雍兩胠滿臥則驚不得小便腎雍胠下至少腹滿脛

有大小髀胫大跛易偏枯脈色二十四

○腎氣實則脹藏象十

○志有餘則腹脹疾病十八

○足太陰虛則鼓脹經絡五

○胃病則大腹水腫膝臄腫痛○胃中寒則脹滿疾病十

○肝脈爽而散色澤者當病溢飲溢飲者渴暴多飲而

易入肌皮腸胃之外也○胃脈實則脹

脈色二十

○中滿者寫之於內

論治八

○水俞五十七穴

鍼刺三十八

○三焦病者腹氣滿小腹尤堅不得小便窘急溢則水

流即為脹候在足太陽之外大絡

鍼刺二十四

○下焦溢為水

疾病二十五

○濁氣在上則生膜脹

陰陽一

○不得臥臥則喘者是水氣之客也夫水者循津液而流也腎者水藏主津液主臥與喘也

疾病人十二

○陰陽結斜多陰少陽曰石水少腹腫○三陰結謂之

水

疾病人六

○腎脉微大為石水起臍已下至小腹脛腫然上至胃

腕死不治

脉色十九

○因於氣為腫四維相代陽氣乃竭

疾病人五

○飲食不節起居不時者陰受之陰受之則入五臟入

五藏則臆滿閉塞

疾
病
十
三

○其有不從毫毛生而五藏陽已竭也津液充郭其魄獨居孤精於內氣耗於外形不可與衣相保此四極

急而動中是氣拒於內而形施於外

論
治
十
五

○盛而緊曰脹

脈
色
十
六

○北方者其民樂野處而乳食藏寒生滿病

論
治
類
九

○適寒涼者脹

運
氣
十
六

○下牙車為腹滿

疾
病
十
四

○男子如蠱女子如怛
十 鍼刺五

諸痛 十八

○病痛者陰也痛而以手按之不得者陰也○癢者陽

也

見鍼刺類
五十三

○痛者寒氣多也有寒故痛也

疾病六
十七

實者外堅充滿不可按之按之則痛○虛者聶辟氣

不足按之則氣足以溫之故快然而不痛

疾病
十九

○病熱而有所痛者何也

疾病四
十五

○氣傷痛形傷腫故先痛而後腫者氣傷形也先腫而

後痛者形傷氣也

一陰陽

○天暑衣厚則腠理開故汗出寒留於分肉之間聚沫

則為痛

疾病五十八

○寸口脈中手短者曰頭痛○中手長者曰足脛痛

○中手促上擊者曰肩背痛○寸口脈沈而弱曰寒熱

及疝瘕少腹痛○沈而橫曰腹中有橫積痛○脈急

者曰疝瘕少腹痛

脈色十六

○心脈微急為心痛引背食不下

脈色十九

○諸細而沈者皆在陰則為骨痛○按之至骨脈氣少

者腰脊痛而身有痺也

脈色二
十一

○新積痛可移者易已也積不痛難已也

經絡
十二

○腎心痛胃心痛脾心痛肝心痛肺心痛真心痛

鍼刺
十四

六

○諸經腰痛

鍼刺四
十九

○諸痛痒瘡皆屬於心

疾一
病

○木鬱之發民病胃腕當心而痛○土鬱之發則心痛

○金鬱之發心脇滿引小腹暴痛不可反側○水鬱
之發民病寒客心痛○火鬱發民病骨痛腹中暴痛

運氣二

十三

積聚癥瘕 十九

○積之始生得寒乃生癥乃成積也○寒氣上入於腸胃則臍脹臍脹則腸外之汁沫迫聚不得散日以成

積

見疾病類二

○推而外之內而不外有心腹積也

脈色二十一

○心脈微緩為伏梁在心下○肝脈微急為肥氣在脇

下若覆杯○腎脈微急為奔豚

脈色十九

○赤脈之至也喘而堅診曰有積氣在中時害於食名

曰心痺○白脈之至也喘而浮上虛下實驚有積氣
在胃中喘而虛名曰肺痺○青脈之至也長而左右
彈有積氣在心下支胛名曰肝痺得之寒濕與疝同
法○黃脈之至也大而虛有積氣在腹中有厥氣名
曰厥疝○黑脈之至也上堅而大有積氣在小腹與

陰名曰腎痺

脈色三十四

○腎脈微急為沈厥奔脈

脈色十九

○寸口脈沈而橫曰脇下有積腹中有橫積痛

脈色十六

○腎脈小急肝脈小急心脈小急不鼓皆為瘕○三陽

急為瘕

脈色二
十四

○盛喘數絕者則病在中結而橫有積矣

脈色
十一

○手少陰之筋病內急心承伏梁

疾病六
十九

○頰下逆顛為大瘕

疾病四
十四

○小腸移熱於大腸為虛瘕

疾病四
十六

○任脈為病女子帶下瘕聚

經絡二
十七

○積痛可移者易已也積不痛難已也

經絡
十二

○有故無殞亦無殞也○大積大聚其可犯也衰其大

半而止過者死

論治十三

癩狂驚癇 二十

○邪入於陽則狂

見疾病類
二十五

○陽重脫者易狂

歲象
三十

○陰不勝其陽則脈流薄疾并乃狂

疾病
五

○血并於陰氣并於陽故為驚狂

疾病
十九

○心脈滿大肝脈小急癩瘕筋攣○肝脈驚暴有所驚

駭○腎肝并小弦欲驚○二陰急為癩厥二陽急為

驚○脈至如數使人暴驚

脈色二
十四

○心脈緩甚為狂笑○肺脈急甚為癲疾○腎脈急甚

為骨癲疾

脈色十九

○肝悲哀動中則傷魂魂傷則狂忘不精○肺喜樂無

極則傷魄魄傷則狂狂者意不存人

藏象九

○太陽所謂甚則狂巔疾者陽盡在上而陰氣從下下

虛上實故狂巔疾也○病至則欲乘高而歌棄衣而

走者陰陽復爭而外并於陽故使之棄衣而走也

疾病

○刺灸癩狂○癩疾者疾發如狂者死不治○病在諸

陽脈且寒且熱諸分且寒且熱名曰狂○病初發歲

一發不治月一發不治月四五發名曰癩病鍼刺三十七

○石藥發癩芳草發狂疾病六十七

○石之則陽氣虛虛則狂疾病三十八

消隔

二十

○二陽之病發心脾其傳為風消○一陽發病其傳為

隔○二陽結謂之消○三陽結謂之隔

見疾病類六

○心移寒於肺肺消肺消者飲一溲二死不治○心移

熱於肺傳為鬲消○大腸移熱於胃善食而瘦又謂

之食亦○胃移熱於膽亦曰食亦

疾病四十六

○心脈微小為消瘵○肺脈微小為消瘵○肝脈微小

為消瘵○脾脈微急為膈中食飲入而還出○脾脈

微小為消痺○腎脈微小為消痺

脈色十九

○五藏皆柔弱者善病消痺

疾病七十六

○五藏脆者皆善病消痺易傷

藏象二十八

○中熱消痺則便寒○胃中熱則消穀令人懸心善饑

論治
二

○痺成為消中

疾病七十七

○肝傳之脾病名曰脾風發痺腹中熱煩心出黃

疾病二十

九

○身痛而色微黃齒垢黃爪甲上黃黃疸也安臥小便

黃赤脈小而寒者不嗜食○冬傷於寒春生瘧熱脈色

三十

三

○腎所生病為黃疸疾

病

○凡治消瘴肥貴人則高粱之疾也○隔則閉絕上下

不通則暴憂之病也疾

病

○胃脈沈鼓滯胃外鼓大心脈小堅急皆隔脈

色

○胃風之狀頸多汗惡風食飲不下鬲塞不通疾

病

○氣為上膈者食飲入而還出○蟲為下膈下膈者食

晬時乃出

鍼刺四十八

胎孕 二十

○陰搏陽別謂之有子

見脈色類
二十三

○婦人手少陰脈動甚者妊子也

脈色二
十三

○有子無子男盡七七女盡八八

藏象
十三

○督脈生病女子不孕

經絡二
十七

○帝曰婦人重身毒之何如岐伯曰有故無殞亦無殞

也 論治
十三

--	--	--	--	--	--	--	--	--

厥痺痿證

二十
三

○厥逆者寒濕之起也

見脈色類
三十二

○厥則目無所見夫人厥則陽氣並於上陰氣並於下

陽並於上則火獨光也陰並於下則足寒足寒則脹

也

疾病
八十一

○血之與氣并走於上則為大厥厥則暴死氣復反則

生不反則死

疾
病
十九

○脈至如喘名曰暴厥暴厥者不知與人言

脈
色
二
十四

○內奪而厥則為瘖俳此腎虛也少陰不至者厥也

○肝氣當治而未得故善怒善怒者名曰煎厥疾一

○陽氣者煩勞則張精絕辟積於夏使人煎厥○陽氣

者大怒則形氣絕而血菀於上使人薄厥疾五

○三陽為病發寒熱及為痿厥臈瘡○二陽一陰發病

主驚駭背痛善噫善欠名曰風厥疾六

○脈俱沈細數者少陰厥也脈色二

○腎氣虛則厥藏象十

○志不足則厥疾病十八

○衝脈並少陰之經故別絡結則跗上不動不動則厥

厥則寒矣鍼刺二十

○氣逆者足寒也疾病十六

○下氣不足則乃為痿厥心忤疾病七十九

○五絡俱竭令人身脈皆動而形無知也其狀若尸或

曰尸厥鍼刺三十

○風逆暴四肢腫身漯漯唏然時寒饑則煩飽則善變

○厥逆為病也足暴清胃若將裂腸若將以刀切之

煩而不能食脈大小皆濇○厥逆腹脹滿腸鳴胃滿

不得息○諸厥之刺

鍼刺五十

○一上不下寒厥到膝少者秋冬死者秋冬生

疾病八十

四

○厥在於足宗氣不下脈中之血凝而留止弗之火調

弗能取之

鍼刺三十五

○陽明在泉主勝則腰重腹痛少腹生寒下為鶩溏則

寒厥於腸

運氣三十

○陽明厥則喘而惋惋則惡人○厥逆連臧則死連經

則生

疾病十二

○臥出而風吹之血凝於膚者為痺凝於脈者為泣凝於足者為厥此三者血行而不得反其空故為痺厥

也

經絡二十一

○邪入於陰則痺

疾病二十五

○八風傷人內舍於骨解腰脊節腠理之間為深痺

鍼刺

二

○病在陽者命曰風病在陰者命曰痺陰陽俱病命曰

風痺

鍼刺三十一

○陰痺者按之不得腰脊頭項痛時眩大便難陰氣不用饑不欲食欬唾則有血心如懸病本於腎

運氣二十五太

陰司天○又鍼刺二十五略同

○麤理而肉不堅者善病痺

疾病七十六

○寒痺之為病也留而不去時痛而皮不仁

鍼刺三十二

○是人多痺氣也陽氣少陰氣多故身寒如從水中出

疾病四
十五

○積寒留舍榮衛不居卷肉縮筋肘不得伸內為骨

痺外為不仁

經絡
八

○一呼脈三動一吸脈三動脈濇曰痺

脈色
三

病在筋筋攣節痛不可以行名曰筋痺○病在肌膚

肌膚盡痛名曰肌痺傷於寒濕○病在骨骨重不可

舉骨髓酸痛寒氣至名曰骨痺

鍼刺
五十

○風寒入舍於肺名曰肺痺發欬上氣○肺即傳而行

之肝病名曰肝痺一名曰厥脇痛出食

疾病二十九

○按之至骨脈氣少者腰脊痛而身有痺也

脈色二十一

○厥陰之復甚則入脾食痺而吐

運氣二十八

○胃脈爽而散者當病食痺

脈色二十

○心痺肺痺肝痺腎痺脾曰厥疝

脈色三十四

○南方者其民嗜酸而食胘其病攣痺○中央者其民

食雜而不勞故其病多痿厥寒熱

論治類九

心脈微大為心痺引背○肺脈微緩為痿癭偏風○
肺脈微大為肺痺引胃背○肝脈微大為肝痺陰縮
欬引小腹○脾脈緩甚為痿厥微緩為風痿四肢不
用心慧然若無病○腎脈微急為沈厥微滑為骨痿
○坐不能起起則目無所見脈色十九
○精傷則骨痠痿厥精時自下藏象九
○濕熱不攘大筋縵短小筋弛長縵短為拘弛長為痿

疾病
五

○陽明為闔闔折則氣無所止息而痿疾起矣

四經絡

汗證

二十
四

○陽之汗以天地之雨名之

見陰陽類四

○陽氣有餘為身熱無汗陰氣有餘為多汗身寒陰陽

○有餘則無汗而寒

脈色二
十一

○陽加於陰謂之汗

脈色二
十九

○陽勝則身熱腠理閉喘麤汗不出陰勝則身寒汗出

陰陽

二

○陰虛者陽必湊之故少氣時熱而汗出也

疾病三
十一

○津脫者腠理開汗大泄

藏象二
十五

○血之與氣異名同類焉故奪血者無汗奪汗者無血

○故人有兩死而無兩生

經絡二
十三

○風從外入令人振寒汗出

鍼刺三
十六

○暑當與汗皆出勿止

疾病四
十一

○夏暑汗不出者秋成風瘧

疾病二
十七

○因於暑汗煩則喘滿靜則多言體若燔炭汗出而散

○汗出偏沮使人偏枯○汗出見濕乃生痲痺○勞

汗當風寒薄為皴鬱乃瘞○魄汗未盡形弱而氣燥

穴俞以閉發為風瘧

疾病五

○魄汗未藏

疾病六

○驚而奪精汗出於心持重速行汗出於腎疾走恐懼

汗出於肝搖體勞苦汗出於脾○飲食飽甚汗出於

胃醉飽行房汗出於脾

運氣四十四
疾病五十三

○勇而勞甚則腎汗出○所謂玄府者汗空也

鍼刺三十八

○肉不堅腠理疎則善病風厥漉汗

疾病七十六

○是則腠理開榮衛通汗大泄故氣泄矣○勞則喘息

汗出外內皆越故氣耗矣

疾病二
十六

○人所以汗出者皆生於穀穀生於精今邪氣交爭於

骨肉而得汗者是邪却而精勝也○復熱者邪氣也

汗者精氣也今汗出而輒復熱者是邪勝也○汗出

而脈尚躁盛者死

疾病四
十三

○其多汗而濡者此其逢濕甚也陽氣少陰氣盛兩氣

相感故汗出而濡也

疾病六
十七

○肺脈更而散者當病灌汗

脈色二十

○尺澹脈滑謂之多汗

脈色十六

○肺脈緩甚為多汗

脈色十九

○熱病而汗且出及脈順可汗者取之魚際太淵大都
太白寫之則熱去補之則汗出汗出太甚取內踝上

橫脈以止之

鍼刺四十

○臂太陰可汗出足陽明可汗出故取陰而汗出甚者
止之於陽取陽而汗出甚者止之於陰

鍼刺五十四

（一）肺病者背痛汗出腎病者汗出憎風

疾
病
十
七

臥證二十
五

○平旦陰盡陽氣出於目目張則氣上行於頭夜行於

陰而復合於目

見經絡類
二十五

○陽氣盡陰氣盛則目瞑陰氣盡而陽氣盛則寤矣疾

七十
九

○陰蹻陽蹻陰陽相交交於目銳眥陽氣盛則瞑目陰

氣盛則瞑目

鍼刺四
十四

○老人之不夜瞑少壯之人不晝瞑

經絡二
十三

○不能正偃者胃中不和也○諸水病者故不得臥臥則驚驚則效甚也

疾病二十一

○水病下為跗腫大腹上為喘呼不得臥者標本俱病

鍼刺三十八

疝證

二十
六

○任脉為病男子內結七疝○督脉生病從少腹上衝

心而痛不得前後為衝疝

見經絡類
二十七

○邪客於足厥陰之絡令人卒疝暴痛

鍼刺
三十

○肝所生病為狐疝

疾病
十

○足厥陰病丈夫癘疝婦人少腹腫

疾病
十

○厥陰所謂癘疝婦人少腹腫也○陰亦盛而脉脹不

通故曰癘癘疝也

疾病
十一

○足厥陰氣逆則臑腫卒疝

經絡五

○三陽為病發寒熱其傳為頽疝

疾病六

○足陽明之筋病癢疝腹筋急

疾病六十九

○脾傳之腎病名曰疝瘕少腹寬熱而痛出白一名曰

蠱

疾病二十九

○腎下則腰尻痛不可以俛仰為狐疝

藏象二十八

○病在少腹腹痛不得大小便病名曰疝得之寒

鍼刺四十

七

○寸口脈沈而弱疝瘕少腹痛○脈急者疝瘕少腹痛

脈色
十六

○診得心脈而急病名心疝少腹當有形也

脈色
二十

○心脈微滑為心疝引臍小腹鳴○肝脈滑甚為瘕疝

○脾脈微大為疝氣滑甚為瘕瘰瀦甚為腸瘕微瀦

為內瘕多下膿血○腎脈滑甚為瘕瘰

脈色
十九

○青脈之至也長而左右彈有積氣在心下支胛名曰

肝痺得之寒濕與疝同法○黃脈之至也大而虛有

積氣在腹中有厥氣名曰厥疝女子同法脈色三十四

○腎脈大急沈肝脈大急沈皆為疝心脈搏滑急為心

疝肺脈沈搏為肺疝三陰急為疝脈色二

○陽明司天丈夫癩疝婦人少腹痛脈色二

○陽明之勝外發癩疝運氣二十七

○太陰在泉主勝甚則為疝運氣三十

○歲太陽在泉民病少腹控牽引腰脊上衝心痛運氣二十

五 ○太陽之復少腹控牽引腰脊上衝心運氣二十八

○小腹控臑引腰脊上衝心邪在小腸者連臑系屬於

脊

鍼刺四十七

腸澼泄瀉

二十
七

○食飲不節起居不時者陰受之陰受之則入五藏入

五藏則臍滿閉塞下為飧泄久為腸澼

見疾病
類十三

○腎所生病為腸澼

疾病
十

○風客淫氣精乃亡邪傷肝也因而飽食筋脈橫解腸

澼為痔

疾病
五

○脾脈外鼓沈為腸澼久自已○肝脈小緩為腸澼易

治○腎脈小搏沈為腸澼下血血溫身熱者死○心

肝澀亦下血二藏同病者可治其脈小沈瀉為腸澀

其身熱者死熱見七日死

脈色二
十四

○大便赤辦飧泄脈小者手足寒難已飧泄脈小手足

溫泄易已○春傷於風夏生後泄腸澀

脈色三
十三

○腎移熱於脾傳為虛腸澀死

疾病四
十六

○陰陽虛腸澀死

脈色二
十九

○虛邪之中人也留而不去傳舍於腸胃在腸胃之時

賁嚮腹脹多寒則腹鳴飧泄食不化多熱則溏出麤

二 疾病

○脾虛則腹滿腸鳴飧泄食不化

疾病十七

○清氣在下則生飧泄○春傷於風夏生飧泄

陰陽一

○數動一代者病在陽之脈也洩及便膿血

脈色二十一

○肺脈小甚為泄○腎脈小甚為洞泄

脈色十九

○尺寒脈細謂之後泄

脈色十六

○胃脈虛則泄

脈色二十

○志有餘則腹脹飧泄

疾病十八

○怒則氣逆甚則嘔血及飧泄

疾病二十六

○肝所生病者胃滿嘔逆飧泄

疾病十

○久風為飧泄

疾病十七

○飧泄取三陰

鍼刺四十七

○寒入下焦傳為濡泄

運氣二十七
太陽之勝

○腸溜

疾病四

○泄而脈大脫血而脈實皆難治

脈色十二

○濕勝則濡泄

運氣二十一

○諸病水液澄澈清冷皆屬於寒○暴注下迫皆屬於

熱一 疾病

○并於陰則上下無常薄為腸澼八 疾病

○寒至則堅否腹滿痛急下利之病生矣二十 運氣

癰腫

二十
八

○汗出見濕乃生瘰癧○高粱之變足生大疔○勞汗當風寒薄為皴皸乃瘰○營氣不從逆於肉理乃生

癰腫

見疾病
類五

○陰與陽別寒與熱爭兩氣相搏合為癰膿

鍼刺
類二

○三陽為病發寒熱下為癰腫

疾病
六

○虛邪之中人也搏於脈中則為血閉不通則為癰○

熱勝其寒則爛肉腐肌為膿內傷骨內傷骨為骨蝕

○邪氣中之凝結日以易甚連以聚居為骨瘤○骨與氣并日以益大則為骨疽○有熱則化為膿無熱

則為肉疽

疾病類四

○六府不和則留結為癰

經絡十二

○五藏身有五部伏兔一腓二背三五藏之腧四項五

此五部有癰疽者死○凡刺之害不中而去則致氣

致氣則生為癰疽也

鍼刺五十四

○東方之域其民食魚而嗜鹹其病皆為癰瘍

論治九

○肺脈微瀋為鼠瘻在頸支腋之間○肝脈大甚為內

癰善嘔衄○腎脈瀋甚為大癰

脈色十九

○少陽厥逆發腸癰不可治驚者死

疾病三十五

○歲水不及民病寒瘍流水

運氣十

○邪溢氣壅脈熱肉敗榮衛不行必將為膿內銷骨髓

外破大膿留於節湊必將為敗

經絡八

○之溫熱者瘡

運氣十六

○所謂少鍼石者非癰疽之謂也癰疽不得項時回○

癰不知所

○

掖癰

○

暴癰

鍼

刺

五

雜病

二十九

○風勝則動熱勝則腫燥勝則乾寒勝則浮濕勝則濡

寫

見陰陽類一〇
逆氣類二十一

○搏脈痺癢寒熱之交脈孤為消氣虛泄為奪血孤為

逆虛為從

論治
十四

○大則病進

脈色二
十一

中外病○春脈如弦其氣來實而弦此謂太過病在
外其氣來不實而微此謂不及病在中○夏脈如鉤

其氣來盛去亦盛此謂太過病在外其氣來不盛去反盛此謂不及病在中○秋脈如浮其氣來毛而中
央堅兩傍虛此謂太過病在外其氣來毛而微此謂
不及病在中○冬脈如營其氣來如彈石者此謂太
過病在外其去如數者此謂不及病在中○四時脾
脈其來如水之流者此謂太過病在外如鳥之喙者
此謂不及病在中俱脈色十○寸口脈沈而堅者曰病在
中寸口脈浮而盛者曰病在外○脈盛滑堅者曰病

在外脈小實而堅者病在內俱脈色十六 ○病在中脈虛

病在外脈濇堅者皆難治 ○病在中脈實堅病在外

脈不實堅者皆難治俱脈色十二 ○盛喘數絕者則病在

中脈色十一 ○病在中而不實不堅且聚且散論治六

○新久病 脈小弱以濇謂之久病脈滑浮而疾者謂

之新病脈色十六 ○新病久病毀傷脈色脈色三十六 ○其久

病者病去而瘠必養必和待其來復論治十二

○暴病 太陽為開開折則肉節瀆而暴病起矣經絡三十

○解休 冬脈太過則令人解休脊脈痛而少氣不欲

言

脈色

○尺脈緩濇謂之解休

脈色

○足少陽之瘧

令人身體解休寒不甚熱不甚惡見人見人心惕惕

然熱多汗出甚

疾病

○刺骨無傷髓髓傷則銷鑠胘

酸體解休然不去矣

鍼刺六

○食亦 大腸移熱於胃善食而瘦又謂之食亦胃移

熱於膽亦曰食亦

疾病四

○毀傷 肝與腎脈並至其色蒼赤當病毀傷不見血

已見血濕若中水也

脈色三十六

○人有所墮墜惡血留

內腹中滿脹不得前後先飲利藥此上傷厥陰之脈

下傷少陰之絡

鍼刺三十

○痲 痲之為病也身無痛者四肢不收智亂不甚其

言微知可治甚則不能言不可治也

鍼刺三十六

○大樓 陽氣者精則養神柔則養筋開闔不得寒氣

從之乃生大樓陷脈為癭

疾病五

○體重 肝虛腎虛脾虛皆令人體重煩冤

疾病九

○少

陽所謂不可反側者陰氣藏物也物藏則不動故不

可反側也

疾病十一

○柔瘕 肺移熱於腎傳為柔瘕

疾病三十六

○譫妄 厥陰厥逆前閉譫言

疾病三十五

○陽盛則使人

妄言罵詈不避親疎

疾病十二

○膈洞 太陰為開開折則倉廩無所輸膈洞故開折

者氣不足而生病也

經絡三十一

○腎脈微緩為洞洞者食

不化下噎還出

脈色十九

○重強 脾脈不及則令人九竅不通名曰重強

脈色十

○蛟蛭 心膈痛懷作痛腫聚往來上下行痛有休止

腹熱喜渴涎出者是蛟蛭也

鍼刺四十六

○脾脈微滑為

蟲毒蛭蝎腹熱

脈色十九

○齟齬 診齟齬齒痛按其陽之來有過者獨熱在左左

熱在右右熱在上上熱在上下下熱

脈色三十三

○手陽明

實則齟齬

經絡五

○五運太過不及下應民病

運氣十

○五運三氣之病

運氣十三

○天氣地氣制有所從之病

運氣十四

○六十年運氣政令之病

運氣十七

○五鬱之發為病

運氣二十三

○天地淫勝病治

運氣二十五

○六氣相勝病治

運氣二十七

○六氣之復病治

運氣二十八

○客主勝而無復病治

運氣三十

○升降不前氣變民病之異

運氣二十八

○不遷正退位氣變民病之異

運氣四十

○刺治諸病

鍼刺五十三

死證 三

十

○得神者昌失神者亡

○見論治類十七
連氣四十四

○人以水穀為本故人絕水穀則死脈無胃氣亦死

脈色

二十

○人無胃氣曰逆逆者死

脈色十一

○所謂陰者真藏也見則為敗敗必死也○別於陽者

知病處也別於陰者知死生之期

脈色二十六

○五藏主藏精者也不可傷傷則失守而陰虛陰虛則

無氣無氣則死矣

藏象九

○心傷則神去神去則死矣

鍼刺二十三

○五藏已敗其色必天天必死矣

脈色五

○平人而氣勝形者壽病而形肉脫氣勝形者死形勝

氣者危矣

藏象十五

○大骨枯葉大肉陷下胃中氣滿喘息不便其氣動形

期六月死真藏脈見乃予之期日

脈色二十七
通章宜察

○形弱氣虛死形氣有餘脈氣不足死脈氣有餘形氣

不足生

脈色七

○形盛脈細少氣不足以息者危○形瘦脈大胃中多氣者死○目內陷者死○脫肉身不去者死○足太陽氣絕者其足不可屈伸死必戴眼○寒熱病者以平旦死○熱中及熱病者以日中死○病風者以日夕死○病水者以夜半死○形肉已脫九候雖調猶死○皮膚著者死○瞳子高者太陽不足戴眼者太陽已絕此決死生之要不可不察也

脈色類二十五

○陰陽皆脫者暴死

藏象三十

○陰陽如一者病難治

鍼刺二十三

○人生有兩死而無兩生

經絡二十三

○心怵惕思慮則傷神毛悴色天死於冬○脾愁憂不

解則傷意毛悴色天死於春○肝悲哀動中則傷魂

毛悴色天死於秋○肺喜樂無極則傷魄毛悴色天

死於夏○腎盛怒不止則傷志毛悴色天死於季夏

藏象

九

○陰陽俱動乍有形乍無形加以煩心命曰陰勝其陽
此謂不表不裏其形不久

鍼刺三十一

○熱病七日八日脈微小病者溲血口中乾一日半而
死脈代者一日死○熱病已得汗出而脈尚躁喘且
復熱勿刺膚喘甚者死○熱病七日八日脈不躁躁
不散數後三日中有汗三日不汗四日死○熱病不
知所痛耳聾不能自收口乾陽熱甚陰頗有寒者熱
在髓死不可治○熱病已得汗而脈尚躁盛此陰脈

之極也死其得汗而脈靜者生○熱病者脈尚盛躁而不得汗者此陽脈之極也死脈盛躁得汗靜者生○熱病不可刺者有九一曰汗不出大癩發赤臑者死○二曰泄而腹滿甚者死○三曰目不明熱不已者死○四曰老人嬰兒熱而腹滿者死○五曰汗不出嘔下血者死○六曰舌本爛熱不已者死○七曰欬而衄汗不出出不至足者死○八曰髓熱者死○九曰熱而瘵者死腰折癭癧齒噤齧也

鍼刺四十

○熱病脈靜汗已出脈盛躁是一逆也病泄脈洪大是二逆也著痺不移脰肉破身熱脈偏絕是三逆也淫而奪形身熱色天然白及後下血衄血衄篤重是謂

四逆也寒熱奪形脈堅搏是謂五逆也

鍼刺五十八

○風熱而脈靜泄而脫血脈實病在中脈虛病在外脈瀉堅者皆難治○形氣相失謂之難治脈逆四時為不可治○病在中脈實堅病在外脈不實堅者皆難

治

脈色十二

○色夭面脫不治百日盡已○脈短氣絕死病溫虛甚

死○易重陰死重陽死

論治十四

○死陰之屬不過三日而死生陽之屬不過四日而已

所謂生陽死陰者肝之心謂之生陽心之肺謂之死

陰肺之腎謂之重陰腎之脾謂之辟陰死不治

疾病六

○不治法三月若六月若三日若六日傳五藏而當死

是順傳所勝之次故曰別於陽者知病從來別於陰

者知死生之期

藏象二
十四

○中執法者其病速而危中行令者其病徐而持中貴

人者其病暴而死

七運氣

○真頭痛頭痛甚腦盡痛手足寒至節死不治

鍼刺四十三

○嬰兒病其頭毛皆逆上者必死

脈色二十三

○壞府無治

鍼刺九

○諸經脈證死期

脈色二十四

○真藏脈死期


脈色十八

○陰陽虛搏病候死期

脈色二十九

○骨寒熱者齒已槁死不治

鍼刺四十一



類經卷三十二